

〔日本後紀桓武〕延曆十八年正月丙午朔，皇帝御大極殿受朝，文武官九品以上蕃客等各陪位，減四拜為再拜，不拍手，以有渤海國使也。諸衛人等並舉賀聲。

〔類聚國史七十一〕天長元年十二月辛巳，右大臣正二位兼行左近衛大將藤原朝臣冬嗣等言，伏稽舊

章，遐觀往冊，元正首祚，品物咸亨，萬國旁戾，佇朝覲於夏庭，百蠻會同，仰膏澤於漢闕，今陛下莞然在疚，哀感猶深，其新嘗宴會既從停廢，恐至元正復停大禮，春秋之義，卒哭之後，得行吉禮，伏望元日朝賀享賜等事，一隨舊典，詔曰：朕雖逼諸權制，始親萬機，而過密之悲，何曾弭忘，况霜露所感，觸目增傷，讎會之儀，情未忍觀，今卿等所請，理巨專抑，宜以明年元日受朝，朝畢後服色復素，終于諱月，其享群臣及樂懸並停，但准舊例，賜節祿也。

〔續日本後紀四〕承和二年正月丁未朔，天皇御大極殿受群臣朝賀，皇太子不朝，以童小也。

〔續日本後紀十八〕承和十五年正月壬戌朔，天皇御大極殿受朝賀，皇太子不朝，緣病也。

〔西宮記正月上〕朝拜：延喜十三年正月一日，貞信公記云，有朝拜儀，小臣內辨子時其職大納言宴會如例，但

今日刀禰參入是違例，同年御記云，辰二刻御八省，式部卿親王參議定方朝臣供奉御前御出時定方朝臣召舍人，云畢，奏賀者參議仲平朝臣，奏瑞左馬頭玄上朝臣共進互奏之。

〔九曆〕天曆元年正月一日，辰時向八省長樂門東廊宿所依朝拜事也，文武官裝束悉緩怠，仍仰外記史

令催，依為外辨上也，已三刻，帝上幸八省，午三刻，外辨上達部著座，四刻，內大臣著座云々，即召兵部

令，搥裝了鼓及召鼓，未一刻引列，今日下官師輔原奉仕奏賀，殊無失，申時事了，即幸本宮。

〔權記〕正曆四年正月一日庚寅，今日有朝拜，巳時自待賢門參入，卯時口口行幸八省院云々，仍便自此門參也。略府陣如式夾龍尾階，左右可陣也，而不知前例之官人，偏陣階東不陣西，依有立改幡等之

煩，只今立戈召渡官人等相分令著陣，但右府重信不知前例，偏陣階西女院一條母后東三條院證子，內辨右相府六條威儀彈正尹為尊親王，奏賀中宮大了還宮。